

# 卷十四

書名 皇明名臣經濟錄十八卷  
 嘉靖二十八年序刊本  
 撰者 明 陳九德 輯，明 嚴訥 校  
 卷 卷十四  
 內容分類 史-詔令奏議-奏議-明  
 索書號 大木-總類-政論-文鈔-6  
 編號 B1923200

皇明名臣經濟錄卷之一

開國 洪武

陶安傳錄

乙未夏六月

太祖率師渡江取太平路安與者儒李習率父老出

迎安見

士報習等曰龍資鳳質非常人也我輩有主矣

六語時事安因獻言曰方今四海鼎沸豪傑

監察御史樂城陳九德刪次  
 翰林編修常熟嚴訥校正

彩色首頁1

[東洋文化研究所漢籍目錄 編號: B1923200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-政論-文鈔-6](#)

[漢籍善本全文影像資料庫文本 皇明名臣經濟錄十八卷 嘉靖二十八年序刊本](#)

[版權所有: 東京大學 東洋文化研究所](#)

[使用上的注意事項](#)

皇明名臣經濟錄卷之十四

監察御史樂城陳九德刪次  
翰林編修常熟嚴訥校正

兵部

賞功之格一

丘濬

臣嘗按陸贄疏見有唐一代賞功之格有謂爵  
號者如今公侯伯之類有謂職事者如今都督  
都指揮千百戶鎮撫之類有謂勲者如今柱國  
騎都尉之類有謂散官者如今光祿寺大夫驃  
騎將軍之類在唐則分為四類而今日則惟三





類焉故在今之勳階散官隨事職而有非若唐別以授人也我

朝異姓爲王而封王者列爵惟公侯伯而無子男歲錫以祿而無唐宋食邑之虛名蓋自漢以後以官爵封公臣所僅見也其職事之官以階級相承無不掌務而授俸者但就其中又分爲等第焉有世官有流官世官則以軍功得官而子孫承襲者也世世不絕自指揮使以下至於鎮撫是也流官者因其材能推以任事則終其本身而不得世襲在內則五軍都督錦衣衛指揮在外則都指揮及試官是也贊謂輕重互相制而國不失權我

祖宗蓋得此意矣

賞功之格二

丘濬

臣按

朝廷立武爵以待有功之臣必親臨行陣者然後爲軍功彼其出入禁旅左右承奉者雖有年勞當別甄敘我

朝立錦衣衛以掌宿衛官職之設雖與列衛不同而其官則用其能而不用其世所以待武臣之

之超出群類者也然亦惟武臣之胄而他塗不得與焉其選可謂嚴重矣今世乃有不出自武胄而以嬖倖技藝進者非

祖宗初意矣夫技藝之流舊制當屬工部今因其能而用以雜流俾專司其業豈不名稱其實哉顧乃以賞功之官爲

恩賜之具彼得之而人譏之固不足以爲榮彼何足惜遂使

國家失賞功之常典而凡親臨行陣出萬死得一生者皆因之以解體其失豈小小也哉授之以

是官固非矣而又使之世襲可乎彼技藝之流有異能者

朝廷以特恩授之可也而其子豈亦有異能而世其官乎有異能者且不可況無異能乎在其身且不可況又延及其子孫乎

賞功之格三

丘濬

臣按

祖宗立爲武職專以賞有功之臣以延及其子孫者世其職而不遷不計滿限不用磨勘父死而子繼兄亡而弟及官職簡而階級明非若宋人遙



授遷轉無定職且無定員也今制十軍立一小旗五十軍一總旗兩總旗一百戶十百戶一千戶千戶有正有副千戶以上有指揮指揮有使有同知有僉事此皆世襲之官也至於都指揮都督各三等亦如指揮之制此則擢其有材能者爲之用其才而不世其官者也

太祖高皇帝於洪武二十九年大賚天下致仕武臣論之曰同立艱難致有今日顧朕子孫保無窮之天下則爾等子孫亦享無窮之爵祿一何仁之至也

宮禁之衛

丘濬

臣按

本朝宿衛雖有武臣然有爪牙之任而無有所謂腹心股肱之臣請如唐人以太臣番直如太宗之用李大亮者如此則既有虎賁銳士宿衛王宮又有勳德世臣總司禁旅

九重之上六宮之中得以安寢無虞矣

寰宇通衢書目

洪武二十七年庚申修寰宇通書成時上以輿地之廣不可無書以紀之乃命翰林儒臣以

天下道理之類總類為書其方隅之目有八東  
距遼東都司陸行為里三千九百四十四馬驛  
六十四水程兼行為里三千四十五驛四十又  
自遼東東北至三萬衛馬驛四為里三百六十  
四西極四川松潘衛陸行為里五千五百六十  
馬驛九十二水陸兼行為里八千三十驛一百  
有四又西南距雲南金齒陸行為里六千四百  
四十四馬驛一百水陸兼行為里八千三百七  
十五驛一百一十三南距廣東崖州水陸兼行  
為里六千六百五十五驛七十有八東南至福

建漳州府水陸兼行為里三千五百二十五驛

五十四北暨北平大寧衛為里三千六百五十

五馬驛五十三水陸兼行四千二百四十五驛

六十一又西北至陝西甘肅為里五千五十馬

驛八十一水陸兼行為里六千七百二十驛九

十六布政司十三浙江福建江西廣東之道各

一浙江水驛十三為里九百四十八福建水馬

驛四十一為里二千八百四十五江西水驛十

五為里一千五百二十廣東水馬驛四十五為

里四千二百九十河南陝西山西北平湖廣雲



南之道各二河南水驛二十一為里二千八百  
四十五馬驛二十二為里一千七百七十五陝  
西水馬驛五十一為里四千一百馬驛四十二  
為里二千四百三十山東水馬驛一十九為里  
千九百一十五馬驛二十六為里一千四百八  
十山西水馬驛五十為里四千三十馬驛四十  
一為里二千三百八十北平水馬驛四十七為  
里三千四百四十五馬驛三十九為里二千三  
百六十四湖廣水驛五十三為里四千四百六  
十馬驛六十四為里四千二百六十五雲南水  
驛九十六為里七千二百馬驛八十三為里五  
千二百七十五四川之道三水驛九十四為里  
七千二百六十五馬驛七卡為里五千九百時  
天下道里縱一萬九百里橫一萬一千七百五  
十里此其大略也四夷之驛不與焉

處置驛通過關米糧疏

馬文昇

車駕清吏司案呈奉本部送於兵科抄出巡按  
直隸監察御史馮允中題內一件處置驛通過  
關米糧臣查得舊例並無過關名色訪得先年  
為因公差人員各王府進貢到於驛過一時無

船裝載或有濕漏不堪若候守換不無稽悞要將前路船隻打過從宜每關一紙出米三四斗賄與打過不意流弊至今勒要數石要乞議處一節坊惟驛遞衙門所設有繁簡之分故夫役船隻有多寡之異且裏河一帶驛站設立不過五七十里遞運所設立不過一二百里之遠夫船有數而使客無窮合無本部移咨都察院轉行各該巡撫都御史并巡按巡河御史及咨工部行令管河郎中各嚴督各該所轄府州縣掌印正官一除偏僻驛遞外中間果係衝要去處

如孫裏河一帶兩京各省往來公差人使客頗多船隻不倒換每驛站五七十里者如遇打過站船每隻止許貼過關米二斗每遞運所一二百里者紅船每隻止許貼過關米五斗各於輪該走遞水夫出辦不許一槩科擾

題覆應詔陳言馬政事

馬文昇

查得弘治六年內兵部題 准差官勘處得河南開封彰德衛輝等三府陳州等一十七州縣山東兗州濟南東昌等三府所屬濟寧州等七十州縣各論人丁每五丁養兒馬一匹每十丁



養騾馬一匹共該人丁四十三萬八千五百一十二丁領養兒馬六千七百五匹騾馬二萬六千八百二十四匹其直隸真定保定永平順德廣平河間大名等七府所屬定州等九十二州縣各論免糧地畝每地五十畝養兒馬一匹二百畝養騾馬一匹共該免糧地七萬七千四百九十九頃五十一畝有零領養兒馬一萬七百九十五匹騾馬四萬三千一百八十四匹各照例兩年養駒一匹其餘人戶收候領養孳生馬駒其順天府所屬霸州等二十七州縣亦各論免糧地畝

領養各處解俵備用馬匹

題為早正種馬以免廢弛馬政事

閻仲寧

兵部題云該雲南道監察御史王齊題臣於

正德元年正月二十一日

欽蒙差往直隸山東河南印記弘治十七年分孳生馬駒竊念

祖宗立法種在民間正欲孳生起俵以備邊用今雖有種馬之額而無種馬之實徒有孳生之名而無孳生之用臣愚所以甚為之痛心也先時議

者有欲併去種馬止照地畝人丁出銀買馬此固可革時弊但

祖宗養馬之法不可廢壞為今之計種馬地畝人丁歲取已有定額但要種兒騾馬揀選四尺五歲以上十歲以下高大者存留矮小老弱者賣價區處買補湊完原數照額養在民間府州縣官一年四次太僕寺官一年二次止是點視務要臆壯病瘦者依律問罪倒失者就令陪補永為定例設有緊急亦可調用適年有無孳生不必追究太僕寺歲取備用大馬止照種馬定額派

行各府州縣買解假如有一萬種馬歲取備用

一萬只得十匹買一匹以地論之則出於五頃以丁論之則出於二十五丁五十丁衆輕易舉就取三萬或銀馬中半百姓亦皆情愿百姓止養種馬既不為孳生受害設有生好駒起俵變賣悉聽自便利之所在又人所必興豈有不用心看養種馬依時群蓋而取孳生自然之利乎夫官馬民馬同一陰陽生生之道各處逐年起俵大馬俱係民間所產類非天設地造議者以為地產有宜否則古人冀北多良馬之說何每



見諸載籍豐於民而嗇於官者蓋由利害之分  
遂至懸絕喂養科罰之害在民孳生之利在官  
雖日撻而求其好孳生決不可得種馬之額在  
官孳生之利聽民雖日撻而求無好孳生亦不  
可得此皆情也亦勢之所必致也臣廣詢博訪  
虧民損官其弊如此如蒙

皇上俯察臣言

勅行兵部從長議處施行則三五年間孳生既屬下  
不求其蕃息而自蕃息種馬雖屬官不求其壯  
盛而自壯盛免官府查筭印記之煩絕管馬官

吏書筭人等科罰侵漁之弊公私皆得其便

祖宗立法養馬之意可保經久不廢矣奉

聖旨該衙門看了來說欽此正德二年本部尚書閻

覆題云奉

聖旨是

勘定種兒騾馬定數

南北兩京太僕寺所屬府州縣衛額種兒

騾馬一十二萬五千匹兒馬二萬五千匹

騾馬一十萬匹太僕寺所屬府州縣種兒

騾馬八萬七千五百匹兒馬一萬七千五

百匹南京太僕寺所屬府衛州縣種兒騾馬三萬七千五百匹兒馬七千五百匹騾馬三萬匹

北直隸河間等府二州十三縣種兒騾馬五千三百六十匹兒馬一千七十二匹騾馬四千二百八十四匹

大名府一州九縣種兒騾馬一萬八百八十四匹兒馬二千一百七十六匹騾馬八千七百匹

保定府二州十三縣種兒騾馬七千九百四十五匹兒馬一千五百八十九匹騾馬六千三百五十六匹

順德府九縣種兒騾馬三千七百一十五匹兒馬七百四十三匹騾馬二千九百七十二匹

廣平府九縣種兒騾馬三千七百七十四匹兒馬七百五十四匹騾馬三千一十六匹真定府五州二十六縣種兒騾馬一萬七千六百三十五匹兒馬三千五百二十七匹騾馬一萬四千一百八十四匹





永平府一州五縣種兒騾馬四千六百七  
十匹兒馬九百十四匹騾馬三千七百三  
十六匹

山東濟南府四州二十三縣種兒騾馬一  
萬三千三百四十四匹兒馬二千六百六十  
八匹騾馬一萬六百七十二匹

兗州府四州二十一縣種兒騾馬一萬四  
千六十四匹兒馬二千八百一十二匹騾馬  
一萬一千二百四十八匹


東昌府三州十五縣種兒騾馬三千三百  
八十四匹兒馬六百七十六匹騾馬二千七  
百四十四匹

河南開封府一州六縣種兒騾馬一千三  
百二十五匹兒馬二百六十三匹騾馬一  
千五十二匹

彰德府一州三縣種兒騾馬一千一十五  
匹兒馬二百三十三匹騾馬八百一十二匹  
衛輝府種兒騾馬四百一十五匹兒馬八

十三匹騾馬二百三十二匹

南直隸鳳陽府四州十四縣種兒騾馬九



千五百一十一匹兒馬一千九百二匹騾馬七千六百九匹

揚州府三州七縣種兒騾馬五千五百九十三匹兒馬一千一百一十九匹騾馬四千四百七十四匹

淮安府二州九縣種兒騾馬六千三百一十四匹兒馬一千二百六十二匹騾馬五千四十八匹

廬州府二州五縣種兒騾馬四千三百七十四匹兒馬八百七十五匹騾馬三千四百九十九匹

應天府八縣種兒騾馬四千六百四十四匹兒馬九百二十八匹騾馬三千七百一十二匹

鎮江府三縣種兒騾馬二千三百四十四匹兒馬四百六十八匹騾馬一千八百七十二匹

寧國府南陵縣種兒騾馬七百五十五匹兒馬一百五十四匹騾馬六百匹

太平府三縣種兒騾馬一千四百六十五



匹兒馬二百九十三匹騾馬一千一百七十二匹

廣德州建平縣種兒騾馬八百匹兒馬一百六十四匹騾馬六百四十四匹

滁州二縣種兒騾馬七百八十五匹兒馬一百五十七匹騾馬六百二十八匹

和州一縣種兒騾馬六百三十七匹兒馬一百二十七匹騾馬五百一十四匹

滁州衛種兒騾馬二百九十五匹兒馬五十四匹騾馬二百四十五匹

陝西馬政一

楊一清

正德二年都御史楊一清疏請查照先年事例仍命御史巡茶兼理馬政兵部議擬題奉

欽依陝西一應馬政都着巡茶御史兼管務要着實舉行不許加常怠玩疏曰

孝宗皇帝悉納廷議專設風憲重臣督理馬政臣猥以庸劣適當任使後因茶法馬政二事命臣兼理顧廢墜既久之事更新興舉事勢頗難凡所規畫處置皆遵行

明命盡臣之心不敢有遺慮竭臣之才不敢有遺力

但念天下之事創作者必專而後成交承者必守而無失臣受命之初責任最專易於集事自兼巡撫以來顧此失彼已不如前比者復蒙

皇上加任總制經理邊方責任重大具於監牧茶馬之政勢不能及悞隳前功以貽後責臣切惟馬政茶法事體相須先年兩寺馬政巡撫兼管而茶馬巡茶御史主之巡撫政事繁多馬政實不經意而茶司所易良駑莫究騎操所給登耗不聞本末始終茫不相攝虛名無實亦勢使然頃設督理馬政之官兼總數事茶司之所易即監

苑之所牧監苑之所牧即官軍之所給非惟不相悖而反相為用故臣之不才亦得稍效其愚此後督理之官恐難復設若令巡撫帶管不無仍蹈舊轍莫若復巡茶之官而兼理之為便如蒙仍設巡茶御史務選年深老練實心幹事之人請

勅兼理馬政茶法行太僕寺苑馬寺官員專聽提調約束各衙門不必干預庶幾事有定規可大可為益實多

陝西馬政二

楊一清



正德元年都御史楊一清題准靈州大塩池增  
課一萬五千引小池增三萬引新舊共五萬九  
千三百三十七引每引納銀二錢五分及收因  
引銀一錢共銀二萬七千六十餘兩送固原慶  
陽收貯買馬之用及於鳳漢二府相兼河東塩  
課貨賣疏曰臣切惟陝西地方皆防胡重鎮軍  
務所急莫夕於馬政看得靈州大小塩池所産  
塩近與解池相類不煩人力取之無窮舊例止  
是招商中納馬匹分給邊鎮騎操後因各邊交  
互相取多寡不均故有間年關領之例又因中

馬勢囁賄通濫收不堪馬匹不得實用故有收  
價解邊之例畢竟為馬而設後因放塩弊多奏  
添副使一員職雖整飭兵備實兼督理塩法近  
年以來塩馬之制遂廢以此總制尚書秦宏死  
馬司卿車震先後論奏皆欲增廣行擬副使燕  
忠高崇熙等親詣塩池查勘委有餘饒常課之  
外雖增十數倍似亦可辦合將大池增一萬五  
千引小池增三萬引每引止可納銀二錢五分  
照塩一車以六石為則外有多餘依律掣摯追  
問運至固原慶陽二塩廠所卸每引仍照舊收

四引銀一錢通共每引該得銀三錢五分每年  
該得銀二萬七千六十餘兩此外若有餘鹽却  
依車運所奏就池招人納銀與給引目聽其發  
賣倘遇旱澇鹽生不及或邊報緊急鹽路不通  
除舊額鹽課外新增鹽課明白除豁不可膠於  
一定歲歲取盈行鹽地方許於鳳漢二府通行  
與河東之鹽相兼發賣兩不礙阻所收鹽引銀  
兩俱送慶陽固原官庫寄放聽慶陽兵備兼理  
鹽法副使及固原兵備副使提督稽察每季監  
理通判督同鹽課司將給過引目放過鹽數造  
冊開報臣查考如遇各邊缺馬聽臣斟酌通融  
給發買馬支用不必拘定間年之例如此則與  
茶馬大有裨矣

陝西馬政三

何孟春

兵部武選司郎中何孟春奏增靈州鹽課疏曰  
靈州鹽課司大小鹽池自

祖宗以來與茶法並為各邊馬匹支用近該總制邊  
務馬政都御史楊一清於額外奏討鹽引召商  
納銀商賈雲集近日買馬數目助益邊方寔多  
其轉移區處之宜臣不能悉竊以向日馬少引



常有餘今日引多鹽不告乏天地生財本自無窮顧人用之何如耳臣過靈州花馬池得聞二池之鹽自來不費人力煎熬夏秋晴暖水凝而體如雪如霜隨取隨足以今觀之課仍舊額傷於狹矣又訪得鞏昌府漳西縣二縣亦有鹽池額課御史王愷曾要兆河珉州折銀易馬其河西鎮番衛鎮夷所有鹽池而無額課除鎮鹽池該驛公用外鎮番境內外鹽池數多獨無可資於官者乎臣愚乞 勅楊一清即其已效廣為永圖前項鹽池若計引重煩不如增額為便即行計量近數年給引之數斟酌時中之額於雨暘旱潦之間制多寡贏縮之節大約可增至千萬引鹽既定可計課銀每一百引可得銀二十五兩商人不問客人土著納銀二十五兩得引百通課引一年當不下二三萬兩如遇各邊缺馬給發買補鞏昌鎮番地方鹽池應否照此定奪其餘河階狄道魚河等處土鹽各加禁約不許與販致壞課程敢有權門勢族撓越依律治罪庶國用益充邊軍可無缺馬也

陝西馬政四

徐蕃

給事中徐蕃疏曰臣等切惟威遠之策莫先於  
修武備而武備之修莫要於蕃畜牧臣見往者  
陝西茶法馬政提督未有專員藝牧或兼於都  
堂茶課則委之御史體統病於分合之靡常弊  
端滋於交承之不一今我

皇上專命都御史一員併付以茶馬之事蓋欲盡復  
祖宗之良法收監牧之實效但恐舉於廢墜之後非  
改絃易轍終不足以成務非權任專久終不足  
以有為謹以馬政切要條為五事其一併茶馬  
以期實用切見茶馬招易濟邊良策但巡茶御

史止是一年所定之馬解發於監苑者雖有成  
數而不及查其虧耗所督茶課積貯於官司者  
雖有定額而不暇救其美惡是非不肯用心蓋  
緣職任不久耳況先後交代陞轉不常稽考難  
行事勢掣肘伏望

皇上念官多民擾權分責輕將巡茶御史暫且取回  
而茶馬之事併付本官整理待其事有成效不  
煩大臣之日仍差御史巡茶照依清軍事例三  
年一換則久任成功矣

牧馬之政

丘濬



臣按古今馬政漢人牧於民而用於官唐人牧於官而給於民至於宋朝始則牧之在官後則畜之於民又其後則市之於戎狄惟我

朝則兼用前代之制在內則散之於民即宋人戶馬之令也在邊地則牧之於官即唐人監牧之制也而川陝又有茶馬之設豈非宋人之市於夷者乎請以今日國馬之政言之在內有御馬監掌天子十二閑之政以供乘輿之用凡立仗而駕輅者皆於是而畜之其牧放之地則有鄭村等草場其飼餼之卒則有騰驤等四衛

國初都金陵設太僕寺於滁州其後定都於北人設太僕寺于京師凡兩淮及江南馬政則屬于南其順天等府暨山東河南馬政則屬于北其後又用言者每府州縣添設佐貳官一員管馬政在外設行太僕寺於山西陝西遼東凡三處苑馬寺亦三處陝西甘肅各轄六監二十四苑遼東僅一監二苑內地則民牧以給京師之用外地則官牧以給邊方之用又於四川陝西立茶馬司五以茶易蕃戎之馬亦用以爲邊也本朝牧馬之制大略如此

來不當與虜講和疏

于謙

兵部為陳言邊務事該鎮守大同叅將都督僉事許貴奏乞

勅在廷内外文武大臣將前項打話賊人要行講和情由從長計議便利上策分免

聖主之憂臣之愚見莫若遣使齋

勅與賊假以和好為詞暫示休兵照舊修飭墩隘廣積邊儲練習士卒飽養馬匹密定討伐之計具本該通政使司官奏奉

聖旨兵部知道欽此欽遵抄出到部查得先該福建

道問刑監生陳綱題稱在廷文武群臣中間有以主和議為詞即是姦臣就乞誅之勿留誤國等因節該奉

欽依他說的是欽此續該迤北走回軍餘陳旺等說稱要差內使一人迎事五十人去迎

太上皇等因本部叅係重事乞會多官計議節該題奉

欽依虜情譎詐不必會官計議欽此欽遵今都督僉事許貴又奏要與賊講和暫示休兵待人馬強壯密定討伐之計一節臣等切惟今日之事理



與勢皆不可和何者中國與寇有不共戴天之  
仇和則背

君父而忘大義此理有所不可和也又醜虜貪而多  
詐萬一和議既行而彼有無厭之求非分之望  
從之則不可違之則速變此勢有所不可和也  
苟以爲虜強難制姑從和以緩其兵臣等請質  
之前代宋真宗澶淵之役契丹之衆累被我兵  
摧阻既盟之後朝廷尚歲輸銀絹三十萬兩足  
道及季世徽欽北狩中國名將如張韓劉岳之  
徒屢敗金師及姦臣秦檜一主和議朝廷既割

地土以與之又輸歲幣以賄之甚則不得已降  
尊號其爲合垢忍耻屈已以從和固無所不至  
卒之人心解體國勢陵夷無救成敗而後已援  
古証今和議之不足恃也明矣爲今之計莫若  
選將練兵養威蓄銳賊若來侵則相機而勦殺  
賊若遠遁不貪利以窮追萬一虜寇罪惡稔盈  
鬼啓其衆復有大舉入寇之謀則我兵操習有  
素加以將帥思奮臣等當盡死効力以圖勦滅  
以雪

國耻不出犬羊之下景泰元年四月十九日奉

聖旨是欽此

題為邊務事一

于謙

都察院咨刑科抄出山西行都司大同後等衛老軍吳淮等將左副都御史年富不法事情開坐具奏奉

聖旨該衙門知道欽此開僭越職級事本官職居三品

欽差提督軍務自合以禮守職其定襄伯鄧登係伯

爵先承

勅命學征西將軍印鎮守總兵今年富自倚風憲不

遵職級到任之日就與並坐僉押公汝凡發號

施令不容定襄伯啟口妄執已見意在專執蠹

政開咨到部臣等參照年富係副都御史三品

之職受

朝廷勅旨令其提督軍務庀軍中一應大小事務

悉皆提挈綱維自總戎而下咸聽節制況都御

史為風紀之官與侯伯無相統屬既係

欽命提督當居總兵之左豈有不許並坐之理臣又

看得武臣總兵文臣監督從古為然昔春秋之

時齊之田穰苴以布衣監莊賈軍莊賈違軍法



穰苴斬賈而破秦晉之師唐之裴度以御史中丞督視淮西軍馬卒平淮蔡事有明驗

朝廷酌古準今選用文職大臣充提督軍務等項皆便宜從事而左都御史王翺右僉都御史鄒來學提督遼東等處軍務亦坐總兵官之左凡發號施令軍中賞罰皆係王翺等處置此係

朝廷舊例軍務事宜體統已定而吳淮等以一介老軍妄言變亂沮壞軍務中間必有主使之入合無行移都察院嚴加勘問聽信何人教唆主使問擬明白奏

請究治及行年官依王翺等事例施行景泰二年九月二十七日奉

聖旨是欽此

題為邊務事二

于謙

兵科抄出提督軍務都察院右僉都御史鄒來

學題云

云今將永平山海直抵密雲一帶邊情

開坐具題該通政使司官奏奉

聖旨兵部看欽此欽遵抄出到部今將所言事件議擬開立前件謹題請

旨

計開

一永平山海薊州等處地方會同鎮守右  
少監都督總兵官都督僉事宗勝參將  
胡鏞馬榮計議得自山海關至猪圈  
頭止沿途路經一千二百餘里新舊  
堡三十四處每營分委指揮一員管  
哨每二三營或四五營選挑把總指  
揮一員提督數內揀選精銳勇敢之  
人屯聚四處四駐操營無事之時不  
守關隘分爲一等二等專一操練有

警之際其營策應某關俱照平日定  
操成規不致退托又選擇輕捷善能  
遠走便於藏伏素知地理者聚爲一  
營專聽截殺劫營緊急調用原設并  
新增大小關寨一百一十七處每關  
修砌甃牆關外又置關馬石墻深挑  
溝塹整理簽榨廣置掛木自關至二  
三十里之外陡峻狹隘兩旁俱積木  
石其有總路險要處所又重別行設  
備一則可以爲關外之藩屏一則可





以遏賊人之歸路沿邊一帶地方除十分陡峻全不通人者不必用工其餘平漫并崎嶇頗容往來處所通削偏坡雖有高低頑石亦必用火燒煨砍成牆壁間有深渠小口難以披削者則以火灰石砌塞大關用指揮一員小關用千戶等官一員職專守把另選把總指揮一員分投提督有事則守勝地無事輪流燒造甄灰增添防備新舊墩臺五百二十座前後聯

綿烽火相望關外至五十里止各有接連架砲士卒五十里之外至百里止各有哨夜不收推選熟知地理官員不時來往點視自營而至關自關而至外平居之日各司其事卒遇邊警會而為一又必略行躡勘等處度賊寇何路而來何處而去來則何以禦之去則何以邀之此平日設法之方大槩如此使其賊寇小至誠恐聲東擊西分兵誘我乘隙而入各該關

營照舊操守不必調遣只調原定策  
應營堡官軍協同本官相機勦殺大  
至則通調見在官軍俱各赴受敵處  
所左右屯駐臣與總兵躬親當其前  
分調參將挑選精健士卒從間出關  
控據險隘之所以遏其後驍勇頭目  
又各分兵埋伏乘機而動我之兵力  
雖寡有險可恃彼之人馬雖暴無計  
可施使其進無所得退無所歸虺豕  
雖毒已投於陷穽幾何而不致於覆

亡也哉然兵家情狀變態不一倘彼  
有兵相繼設伏以餌我無可爲之機  
無可乘之勢則當整慎勿戰固守要  
害不可輕動以墮其計彼之人馬乏  
食漸至罷敝必不能待久而日退矣  
我則萬無一失何邊患之足慮哉看  
得官軍頭目總兵參將而下皆可隨  
機應用把總提督營堡指揮李濟等  
十員頗有驍勇堪以出戰把總提調  
關隘指揮陳宣等八員處事勤慎堪



以守關都指揮僉事劉輔等僅可以  
固守山海永平薊州遵化等處城池  
其官營軍馬沿邊墩臺等項俱以區  
畫增那停當各處倉驛糧革見勾支  
用

前件看得所奏係干邊務既以鄒來學  
會同彼處總兵鎮守等官都督僉事  
宗勝等計議停當俱合准擬仍行鄒  
來學等照依所處事理逐一施行務  
在提督有方用求實効不許虛應故

事徒爲文具仍嚴加禁約各該關隘  
把總都督指揮等官將所部士卒加  
意撫恤訓練聽候調用毋得假公營  
私役占虐害以致軍令不行士心不  
附遇警不能守戰致誤事機

一密雲地方會同鎮守內官張溥協贊軍  
務監察御史張斌鎮守都指揮同知  
趙致指揮僉事張興計議得東自黃  
河口起至西墓田峪止路經八百餘  
里關塞七十四處墩臺一百五十六

座營堡八所操守軍官舍餘四千八百一十六員名沿邊一帶平漫去處俱以修削偏坡關口修砌堅厚墻城關外重置闌馬石墻挑掘壕塹廣置發榨又有軍民夜不收輪流加砲出哨關內營堡官軍常川操習聽候調遣無事之時都指揮趙致分管古北口迤東署都指揮僉事張興分管古北口迤西內官張溥御史張斌鎮守古北口通行提督密雲中後二衛古

北東西二路軍馬如有聲息賊少各照地方調用附近營堡之人策應賊衆通調東西二路官軍於受敵處所駐劄可守則堅壁清野控據要害分布官軍翼其兩哨奪其高峯使之勇無所施衆無所用人馬罷收將不戰而自退矣可戰則鎮守內外協贊官員躬自率領以禦其衝突密切選委驍勇頭目帶領精銳官軍潛伏險隘以遏其歸路挑選敢勇之夫長戟巨



斧火器短兵長弓勁弩齊力奮勇或  
晝而推其堅陣或夜而襲其營壘臣  
等之經管圖畫設險守備不過如此  
切詳都指揮趙致等固可以領軍出  
戰指揮劉榮毛顯亦可以守城緣要  
害數多兵力寡少有一官軍止十餘  
名者小則五七名者平居之時畫地  
分守尚且不敷遇警之際將何調用  
如有古北口潮河川并龍王峪五寨  
俱各寬漫平坦路通大小輿州沙溪  
賊巢可容千萬人馬往來墻子嶺  
梁子四馬等關俱已曾經賊寇侵犯  
之處雖有貼守海運之人全無武械  
兵事生疎不過因循日月懸望輪班  
而已倘有遣調豈得實用今照石匣  
驛正係東西地理適均之處水草利  
便可以照依永平山海等處建立駐  
操營一所乞

勅部計議取回海運官免致徒費糧賞將密雲中  
衛并附近管州左與州後等衛在京

操備官軍摘撥二千員名委選驍勇  
都指揮一員管領前去駐劄使其往  
成家業不必輪班專一操練聽候策  
應仍聽內官張溥協贊監察御史張  
斌節制如此庶使首尾相連緩急得  
用其邊備之謹嚴可以與永平山海  
等處同一無虞矣倘臣言無足取直  
待報有聲息臨期奏

頃定奔雖調京軍前來必須往復固守一時應援不  
及貽患非輕再照本處見在馬草頗  
勾支用倉糧數少已經具題乞

所  
部急為處置便益

前件看得密雲中衛并營州左興州後  
等衛在京官軍係比先年間選取赴  
京操備之數即日多已揀作團營操  
練聽候警急出口殺賊而彼中事體  
比之名邊及京師頗緩雖准撥去守  
備又前項撥去海運官軍比先原有  
此數京師暫時增添候邊事寧息亦  
當取回況差撥前去已久操習有成



且在京各營亦有此等淮安等處退  
下運糧官軍有等操練既久弓馬熟  
閑多有選作團營頭撥之數豈可盡  
謂徒費糧儲所撥前項官軍亦難取  
回況兵無勇怯之分法有激勵之道  
若所在鎮守等官能將前項軍士設  
法訓練用心撫恤自然衆心歸附武  
藝精熟則軍威必致於整肅武事不  
至於生疎台行鄒來學將前項發去  
相兼彼處原有官軍如法國營操練  
守禦地方不許親營官旗私役庫管  
以致衆情不服遇警債事奉

聖上是欽此

題爲邊務事三

于謙

再照大同府四州七縣之民生長邊境安其習  
俗性既勇悍尤耐寒暑自昔至今多於腹裏及  
迤南衛所充軍役者其各該衛分有二三千里  
有五千七千里者或歲久年深拋家失業者供  
役者少事故者多或因路途寫遠中途死者有  
之或因不服水土到衛死者有之或因貪賊官

吏受囑賣放者有之起解者未至逃亡者復來  
該衛無實用之人原籍有清勾之擾既愈長解  
又歛盤纏況今兵燹以來鄉里凋零至極軍戶  
又不足數民戶因而靠損其本府州縣官吏里  
老累次於臣等處告稱艱難若得就近於大同  
等衛所當軍情愿自備鞍馬不敢便支糧賞奮  
勇殺賊以圖報臣切惟天下衛所相同者多  
祖宗制度難於改更但

國家政務有經有權夷狄事機有急有緩今者北  
虜之於西夷大同之與他處非惟理勢輕重有  
不同其實事機緩急之懸絕若不先其所當  
者急者而後其所當輕者緩者則守經用權之  
道未見其可如蒙准題乞

勅該部從長計議除太原府等處邊衛軍役外其餘  
不拘在京在外衛所校尉力士旗軍幼軍等項  
今後遇有逃亡事故在營無人補伍例當清勾  
者不為常例俱各於大同就近照名充當軍役  
聽其自備鞍馬暫且不支糧賞於大同前後二  
衛帶管收操待後積有數多另立衛分管轄仍  
行原先衛分開豁籍冊永不勾補緣此等之人



既免離鄉背井之苦得遂安家戀土之情若使  
撫卹有方教演有法遇有警急一則不忍棄其  
祖宗墳塋一則不忍毀其宗族產業不無心懷  
敵愾樂於戰鬪此與山西河南調來操備官軍  
主客既殊堅脆亦異庶使民戶無分析之患軍  
衛獲有用之兵所謂一舉而兩得也

題為邊務事四

于謙

欽差總督軍務少保兼兵部尚書等官于謙等題該  
臣等計議方畧會本具題節該奉

聖旨卿等便同各營頭目從長計議賊果入寇如何

可以出戰勦殺如何可以固守無虞賊若不來  
亦當如何操練軍馬或分或合可以百戰百勝  
以防不虞務在的確毋事虛言欽此今議得各  
營見操官軍已選十萬分作五營團操以備出  
戰每二萬人為一營每隊五十名一人管隊每  
二隊又立領隊官一員每千人把總官一員每  
三五千入立都指揮一員其管隊把總大小總  
兵官員各量其才器高下謀勇如何而選用之  
使之互相統屬兵將相識如遇十教場操練之  
時臣等出其不意量調一隊或三隊五隊點閱

但喚把總管隊官姓名各官自行管領本隊軍士前來內喚出軍士一二人或三五人令管隊把總官識認是何姓名衛所却將軍人懸帶牌面上原開寫姓名衛年貌查對若有不同就將管隊管軍等官量情責治仍比較弓箭牌刀長鎗等項武藝精熟者量為獎勵生疎者一體懲治使管軍者知軍士之強弱為兵者知將士之號令體統相維彼此相識不致臨期錯亂難於調遣大意前項團操軍十萬合為一營分為五管萬一賊寇侵犯賊多則合營俱動賊少則分

調一二營或調一萬三五千隨機應敵其平日選充大小頭目已定則交戰之時多用則多調少用則少調止調該管頭目則士卒自隨平日相處既久同輩之人易以機會管事之人易以使令如手足之捍頭目子弟之衛父兄比之平日混同操練不辨強弱不知號令將各營之人逐漸轉合者不同庶幾可以成功取勝又賊之所恃者弓馬衝突而已賊知我火器一發之後未免再發以此我軍放罷火器就便馳突前來今若與之對敵我軍列陣外用鹿角遮護持滿



以待賊若來緊急列陣不動先以弓弩對敵神  
銃未發先以火藥爆杖詐之賊必謂我火藥已  
盡不復畏避馳馬來攻則我軍火炮火銃飛鎗  
火箭弓矢齊發若勢充動又以大將軍擊之待  
賊勢動分調精銳馬軍用長鎗大刀勁弓射砍  
步軍用團牌腰刀一齊衝入賊陣或刺射人死  
或砍其馬足臣等以身先衝冒矢石獎勵士  
卒俾無退縮如有退縮者即以軍法治之此則  
臣等愚見操軍出戰分口之勢如此除團營之  
外另選次第精壯以備急調用以助團營

歲每日除演習軍馬武藝外仍令馬步官軍兼  
習陣法及交鋒衝突安營走陣以爲戰鬪之方  
使之耳目慣熟步驟輕健能知進退坐作之法  
免致臨敵畏怯失措至於固守之法則今日士  
卒頗多京師城垣堅固又有戰陣鹿角器具賊  
衆勢縱可以固守無虞惟臣等愚見如此但用  
兵之法不測如陰陽難知如鬼神貴在臨期應  
變難以一定而求况醜虜矯健去來之間如飄  
風驟雨應敵之際非勇無以挫其鋒非智無以  
破其敵必謀勇兼濟而後可以成其功岳飛有

言陣而後戰兵家之常運用之妙存乎一心又  
曰文官不愛錢武官不惜死天下太平矣景泰  
三年十二月二十二日各官奏奉

聖旨是兵貴乎精將在謀勇卿等務要同心協力操  
習軍馬有事運謀或戰或守若無事則撫卹士卒  
養其銳氣遇警易為調用這等不負朕委托之重  
欽此

題為邊務事五

于謙

兵科抄出貴州布政司思南府蠻夷長官司土  
官安逸奏奉

該衙門知道欽此欽遵抄出到部今將所奏  
件逐一議擬開立前件謹題請

旨

計開

一件安邊事有鎮遠府邛水一十五洞蠻  
夷長官司十四寨反叛苗人原係前  
思州田宣慰管承樂十年內本官調  
領各寨苗人攻破思南地方後改府  
治將前長官司撥隸新設鎮遠府其  
性兇惡得肆奸謀累蒙總兵官都督




職副使會事協同土官宣慰撫治其  
湖廣貴州邊衛分撥總兵參將守鎮  
如此則地方可寧矣


前件看得貴州地方先因苗賊生發

欽命總督總兵等官右副都御史王來等統領官軍  
在彼撫捕且區畫賊情撫捕殺戮二  
者相須爲用若專於殺戮不聽撫捕  
非惟賊內數多不可勝誅抑恐鋒刃  
所及橫惟無辜合行王來等務在整  
棚官軍人等前項苗賊上緊設勦撫

捕其間若有悔過遷善誠於降納者  
則開以生路由之復業怙惡不悛終  
於反復者則以兵威俾其授首既  
不許一於招撫使賊長姦亦不許果  
於殺戮濫及無辜必須處置合宜而  
患害蠲除地方寧謐而經久利便其  
稱要於播州宣慰司除授軍職副使  
會事協同土官宣慰撫治查無事例  
難准又況各處土官衙門已有都布  
按三司官員分巡整治再難濫設及







所  
圖  
書